

ბაკურიანის წმ. ელიას სახელობის ტაძარი



ბაკურიანის წმ. ელია თეზბიტელის სახელობის ძველი ტაძარი განახლებულია მრევლის შეწევნით. ეს სალოცავი ოდითგანვე ბევრ მლოცველს უყრიდა თავს და დღესაც, მრევლისთვის ეს ადგილი განსაკუთრებულად წმინდაა.

წმ. ილია (ელია) წინასწარმეტყველს, იგივე თესბიტელი ქრისტეს მოსვლამდე IX ს-ში პალესტინის ქალაქ თესბიტში ცხოვრობდა. წმ. ილია ისრაელის ერთ-ერთი უდიდესი წინასწარმეტყველი გახდა. იგი მეფე აქაბის დროს მოღვაწეობდა. მეფე აქაბის დროს, რომელმაც ჭეშმარიტ ღმერთს უღალატა და მის ნაცვლად წარმართული კერპი აღმართა, დასასჯელად ისრაელს სამწლიანი გვაღვა მოევლინა, თავად წმ. ილია კი ღვთის მითითებით უდაბნოში მთის ნაკადულთან იმალებოდა, სადაც მასთან ყორნებს დილა-საღამოს პური და ხორცი მიჰქონდათ. ქვეყანას საშინელი გვაღვა და შიმშილი დაატყდა თავს. ხალხმა ნელ-ნელა ჭეშმარიტი ღმერთის გახსენება დაიწყო. წმ. ილია ავიდა მთაზე და ღმერთს მხურვალედ ევედრებოდა, წვიმა მოევლინა. შვიდგზის ლოცვის შემდეგ მოვიდა ნანატრი წვიმა. ასე დასრულდა ისრაელში სამწლიანი გვაღვა

ფოტო: თეონა ნობაძე

— ambioni.ge